

21. ^{æek} korrika

2019ko apirilaren 4tik 14ra GARESTIK GASTEIZA



21. ^{æek} korrika
2019ko apirilaren 4tik 14ra
GARESTIK GASTEIZA



Badator KORRIKA!

Uda joan da. Egunak laburragoak eta hotzagoak dira, zuhaitzei hostoak erori zaizkie... Azaroan gaude, udazkenaren erdian. Halere, badirudi AEKren euskaltegietara udaberria heldu dela; izan ere, udaberriari *begira*¹ gaude, bai, datorren udaberrian, lore eta alergiekin *batera*², oso bisitari berezia etorriko delako Euskal Herrira: KORRIKA, euskararen *aldeko*³ *ekitaldirik*⁴ handiena.



Asier Amondo, KORRIKA arduraduna⁵

Egin "Klik" geure kulturari, egin "klik" euskarari.

Datorren udaberrian, berriro ikusiko dugu gure herrietan KORRIKA, euskararen aldeko **lasterketa⁶**. Egun batzuetan, apirilaren 4tik 14ra, milaka eta milaka lagun ibiliko dira Euskal Herri osoan korrika, euskararen alde. Datorren urtekoa 21. edizioa izango da, eta, **aurkezpena⁷** egiteko, **prentsurrekoa⁸** egin du gaur AEK-k, Donostian, San Telmo museoan. Bertan, Asier Amondo KORRIKA arduradunarekin hitz egin dugu.

Laster, "Tipi-tapa, tipi-tapa, KORRIKA!" entzungo dugu gure herrietan, baina zer da KORRIKA?

KORRIKA euskararen aldeko ekitaldirik handiena eta **ikusgarriena⁹** da. Hamaika egunez, milaka eta milaka lagun ibiltzen dira, gau eta egun, gelditu gabe, Euskal Herri osoan korrika. 2.000 kilometro baino gehiago egiten dira, musikarekin, **mozorrotuta¹⁰**... Jai handia da.

Hamaika egun korrika egiten. Kirola egiteko aukera ona!

Korrika egiten dugu, bai. Baina **helburua¹¹** ez da kirola egitea. KORRIKArekin, euskararen **ezagutza¹²**, **erabilera¹³**

eta normalizazioa **bultzatu¹⁴** nahi ditugu. Gainera, helburu ekonomikoa ere badugu: dirua lortzea euskaltegiei laguntzeko.

Oraingoa 21. KORRIKA da. Zenbat urte daramazue KORRIKA antolatzen?

Bada, urte asko. Lehenengoa 1980an antolatu genuen. Edizio hartan, zortzi egunean, Oñatitik Bilbora joan ginen korrika. Esperientzia berria zen, baina jende pilo batek hartu zuen parte, **arrakasta¹⁵** handia izan zuen. Gero, beste hemeretzi KORRIKA egin dira, eta, **gaur egun¹⁶**, euskararen aldeko ekitaldirik handiena da. Gainera, ideia **atzerriara¹⁷** ere esportatu da: Irlandara, Britainiara, Galiziara...

Lehenengo edizioa Oñatitik Bilbora joan zen. Nondik nora joango da 21. KORRIKA?

Bada, 21. KORRIKA Garesen hasiko da, apirilaren 4an, eta, 14an, Gasteiza helduko da. Bidean, beti bezala, Euskal Herriko herri gehienetan ibiliko gara.

KORRIKA guztietan badira osagai¹⁸ garrantzitsu batzuk: mezua¹⁹, kanta...

Mezua, beti bezala, sekretua izango da, apirilaren 14ra arte: lehenengo egunean, apirilaren 4an, mezua **lekukoaren²⁰** barruan gordeko dugu, eta hurrengo egunetan, guztion artean, Gasteiza eramango dugu. Bertan, KORRIKA amaitu ondoren, lekukoa zabaldu, mezua atera eta guztion aurrean irakurriko dugu. Lekukoa bera ere osagai garrantzitsua da KORRIKAn. Lehenengoa Remigio Mendiburu eskultoreak egin zuen, eta museo honetan dago.

Eta kanta? Nolako da? Nork egingo du?

Oraindik ezin dut informazio askorik eman. Baina, lasai, abenduan entzun ahal izango duzue. KORRIKA kantek arrakasta handia izan dute beti, edizio guztietan, eta 21. KORRIKArene ere **ahoz aho²¹** ibiliko da laster, ziur nago.

KORRIKA bakoitzak kanta bat du, eta omendu²² bat ere bai.

21. KORRIKAK *Txillardeg*i omenduko du. Arrazoi asko daude *Txillardeg*i omentzeko, baina aurten arrazoi berezi bat dugu: 2018an, euskara batuak 50 urte bete ditu. Euskara batua oso garrantzitsua izan da euskararen historian, eta Txillardegik **ekarpen**²³ handia egin zuen haren **sorreran**²⁴.

21. KORRIKAREN leloa²⁵ "Klika" izango da. Zergatik?

Klik egitea aukera bat egitea da. Bada, horixe proposatu nahi dugu KORRIKA honetan: egin klik euskarari, ikasi euskara, hitz egin... Egin klik gure kulturari, gure hizkuntzari. "Klika" leloa aukeratu dugu euskararen **garaia**²⁶ dela esateko.

Egin klik KORRIKari ere: KORRIKA kulturalean, lasterketan edo KORRIKA batzordeetan... Modu asko dago KORRIKari laguntzeko, KORRIKari klik egiteko. Merezi du, benetan. Anima zaitezte!



Ondoko esaldiak **egia ala gezurra dira?**

EGIA GEZURRA

- | | | |
|--------------------------|--------------------------|---|
| <input type="checkbox"/> | <input type="checkbox"/> | 1. KORRIKA Donostian hasiko da, San Telmo museoa. |
| <input type="checkbox"/> | <input type="checkbox"/> | 2. Gaur arte, 21 KORRIKA egin dira. |
| <input type="checkbox"/> | <input type="checkbox"/> | 3. KORRIKA guztiek hamaika egun iraun ²⁷ izan dute. |
| <input type="checkbox"/> | <input type="checkbox"/> | 4. KORRIKara mozorrotuta joan behar da. |
| <input type="checkbox"/> | <input type="checkbox"/> | 5. Helburua kirola bultzatzea da, korrika egitea oso ona baita! |
| <input type="checkbox"/> | <input type="checkbox"/> | 6. Irlandan, Britainian eta Galizian ere egiten dira hango hizkuntzen aldeko lasterketak. |
| <input type="checkbox"/> | <input type="checkbox"/> | 7. KORRIKA kanta aurkeztu da, eta jendea izugarri gustatu zaio. |
| <input type="checkbox"/> | <input type="checkbox"/> | 8. Mezua sekretua da, eta lekukoaren barruan doa. |
| <input type="checkbox"/> | <input type="checkbox"/> | 9. <i>Txillardeg</i> iren 50. urtebetetzea delako omenduko dugu. |
| <input type="checkbox"/> | <input type="checkbox"/> | 10. KORRIKari klik egiteko modu bakarra dago: lasterketan parte hartzea. |

1. ... -ri begira: mirando (a)...; *en train de regarder* ...
2. ... -kin batera: junto con...; *avec* ...
3. ... -ren aldeko: a/en favor de...; *favorable*, -e
4. Erakusketa: exposición; *exposition*
5. Arduradun: responsable; *responsable*
6. Lasterketa: carrera; *course*
7. Aurkezpen: presentación; *présentation*
8. Prentsaurreko: rueda de prensa; *conférence de presse*
9. Ikusgarri: espectacular; *spectaculaire*
10. Mozorrotuta: disfrazado, -a; *déguisé*, -e
11. Helburu: objetivo; *objectif*
12. Ezagutza: conocimiento; *connaissance*
13. Erabilera: uso; *usage*
14. Bultzatu: impulsar; *promouvoir*
15. Arrakasta: éxito; *succés*
16. Gaur egun: hoy día; *actuellement*
17. Atzerri: extranjero (pais o pueblo); *étranger*

18. Osagai: componente; *composant*, -e
19. Mezu: mensaje; *message*
20. Lukuko: testigo; *temoin*
21. Ahoz aho: de boca en boca; *de bouche en bouche*
22. Omendu: homenajeado, -a; *honoré* -e
23. Ekarpen: aportación; *apport*
24. Sorrera: origen; *origine*
25. Lelo: eslogan; *slogan*
26. Garai: época; *saison*
27. Iraun: durar; *durer*



04 Denbora-pasak

4 BAIETZ

ZENBAT DAKIZU KORRIKARI BURUZ²⁸? ETA AEKRI BURUZ?

1. Nork antolatzen du KORRIKA?

- a) HABEk, noski!
- b) AEK-k antolatzen du.
- c) Eusko Jaurlaritzak, ezta?
- d) **Aurrekoak**²⁹ ez dira **zuzenak**³⁰.

2. KORRIKA egiten da...

- a) ... Euskal Herrian eta munduko **hainbat lekutan**³¹.
- b) ... EAEn: Gipuzkoan, Bizkaian eta Araban.
- c) ... Hego Euskal Herrian.
- d) Aurrekoak ez dira zuzenak.

3. KORRIKA gauez...

- a) ... bizikletaz egiten da.
- b) ... korrikalari profesionalek jarraitzen dute.
- c) ... gelditu egiten da.
- d) ... ez da gelditzen.

4. Zenbat Euskaltegi ditu AEK-k Euskal Herri osoan?

- a) 80 baino gutxiago.
- b) 80 **inguru**³².
- c) 92, **zehazki**³³.
- d) 100 baino gehiago.

LEKU EZKUTUA

ZEIN HERRI DA? _____



LAGUNTZAK: Nafarroan dago, *Donejakue* bidea bertatik pasatzen da, zubi famatua dauka...

28. ...-ri buruz: sobre...; à propos de...

29. Aurreko: anterior; précédent,-e

30. Zuzen: correcto,-a; correct,-e

31. Hainbat lekutan: varios lugares; en divers endroits

32. Inguru: imaginación; imagination

33. Zehazki: exactamente; en détail

Hiztegia



ERANTZUN ZUZENAK:
korrika.eus